

魂神生人奪算爾時四方帝君聞
北帝說伏魔神咒符印神祕之法讚歎五靈
帝君神力微妙不可思議大衆恭敬六天振
動付諸真子授教

卷二

十

太上元始天尊說北帝伏魔神咒符經卷第三

太上元始天尊說北帝伏魔神咒符經卷第四

捍厄品

爾時

元始天尊在於香林園中爲諸天童子說法
演戒畢太上道君前進作禮上白

天尊今日侍座得聞真科律二十四條善
惡因緣受報之日心歡意釋無餘滯礙又蒙
開示罪福緣對拔度濟法救濟幽魂長夜之
苦上昇福堂衣食自然其法弘普死者咸賴
然今世及來生男女未見經戒氣力薄弱不
堪受持無以捍厄多爲世間衆邪惡鬼橫作
侵害天折壽命不終天年

天尊既開大慈之化使生死俱濟存亡荷恩
惟願哀憐更垂開示來生男女防身護命之
法得免厄難見世三災九橫五瘟七疰疾病

疫毒之氣衆邪魘魅諸災之難全其性命無
有中傷如蒙哀愍仰受聖恩於是

天尊歡喜答曰善哉善哉子今所請亦爲至
要吾今愍一切如父母念于今爲汝說汝可
諦聽堅持在心勿忘吾言爾時衆聖欣慶一

心皈命天尊告白往昔過去人民淳朴無有
中傷任命長短終其天年無有天枉鬼不橫
傷但今末世淺薄人心破壞五情雜亂更至
疑惑所爲不實唯用邪行背真從僞不義不
仁違天逆地攻根伐株不忠不孝無愛無慈

欺罔萬民酷虐百姓殺戮衆生殘害物命結
諸罪孽故主究對無邊致使今生動見厄難
或爲劫賊之所傷命或爲惡鬼之所滅身或
被蛇虺虎狼百毒蟲螫通之所加害官私口
舌無故橫生閉繫牢獄鞭杖徒刑或復家遭

瘟疫身染毒氣大小疾病人口死亡六親斷
絕諸如等苦並是六天故氣北帝帝王八部
鬼神人間死將五兵之神通行天下乘其罪
孽釋放其毒氣以殺惡人年年月月有遭不少
更相牽連以致死亡所存人民無能免得如

斯等苦甚可痛今爲汝說

北帝無畏神咒并六官之名若能信向一心
持誦必免諸難終身無患復如是福其咒曰
吾是太上弟子下統六天六天之官是吾所
部不但所部乃太上之所主吾知六天官名

故得長生敢有犯者太上斬之急急如律令

第一紂絕陰天宮

第二秦殺諫事宗天宮

第三明晨耐犯武城天宮

第四恬羅罪氣天宮

第五宗靈七非天宮

第六敢司連宛屢天宮

北帝曰有知酆都鬼王及六官名者百鬼攝

伏當臨卧之特志誠熱念魔鬼聞之悉化為

血可先面向北微其音不得高聲呪曰

咄吾頭戴朱雀足履玄武左扶青龍右踞

白虎前有萬石鑊湯後有黃金鉞斧天驕

甲卒在吾前後瘟邪百鬼去我萬里急急

如律令

又呪曰

洞中玄虛晃朗太元八方威神使我自然

靈寶符命普告九天執羅恒那洞罡太玄

斬妖縛邪殺鬼萬千中山神咒元始玉文

我誦一遍却鬼延年按行五嶽八海知聞

魔王束手侍衛我軒函穢消散道氣長存

急急如律令

又呪曰

吾是帝君名書玉清下統六天北帝鬼宮

悉是我營悉是我部何鬼敢生左佩豁落

右帶火鈴擲火萬里威制千靈有犯者戮

有干者刑帝君有命收捕不停天光駭動

羣魔束形鬼妖滅種我得長生急急如律

令

又呪曰

太上老君教我殺鬼語我神方上呼玉女

收捕不祥登山左契佩帶印章頭戴華蓋

足履魁罡左扶六甲右踞六丁前有黃神

後有越章神師誅伐不避毫狂先殺小鬼

次殺夜光何神不伏何鬼敢當急急如律

令

北方黑帝五靈玄老大神咒殺鬼之法

先叩齒三十六通次念救護神咒

天蓬天蓬九玄殺重五丁都司高刀北功

七政八靈太上皓亮長顧巨獸手執帝鐘

素臬三神嚴駕變龍威劍神王斬邪滅蹤

紫氣乘天丹霞赫衝吞魔食鬼橫身飲風

蒼舌綠齒四目老翁天丁力士威南禦山

天驕激戾威北銜鋒三十萬兵衛我九重

辟屍千里柱却不祥敢有小鬼欲來見狀

鏖天大斧斬鬼五形炎帝裂血北帝然骨

四明破骸天猷滅類神刀一下萬鬼自潰

急急如律令

天尊重告

太上老君曰若遇瘟疫之年鬼兵流行所在

國土州縣鄉坊疫癘競起無處隱藏若欲求

免者宜志心日誦三遍可與病人同牀同食

無所畏懼一切疾病邪魔終不能害至竟平

安三灾九厄自然得度若後有人常常誦誦

令人見世居危得安居疾得康居貧得富萬

灾不干所求如意所願從心爾時

太上告諸真子欲修此道長生不死之法先

存其神養其根行其氣呼其名先存五獸防

身次鳴天鼓次存天地日月與我長生然後

存其神頭髮神七人字尋長頂上神三人字

東王父腦戶神七人字元光眉間神字天君

兩耳神四人字嬌女兩目神六人字英明鼻
 神字通靈口神字丹朱舌神字黃人齒神三
 十六人字衛士喉神字虎賁兩肩神字一爵
 兩手神字魄陰肺神字鴻鴻心神字虛虛肝
 神字臨臨膽神字鑊鑊胃神字恒恒脾神字
 裨裨腎神字漂漂臍神字玉靈丹田神字丹
 精兩脛神字陰陰兩膝神字脛音公頸音神
 字隨柔兩足神字柱天力士子欲卧從上三
 呼之竟乃止若體中有病皆隨疾處呼其名
 字對神治之正卧瞑目存其神所疾立愈日
 用朔望八節之日悉皆存其神自然尸解三
 尸一以志心存四神向王呼吸咽液津氣輪
 轉乃得長生過此不得雜想攪亂心神衆惡
 備履乃自致損折矣
 北帝曰修身求法正伏凶魔先須精心存神
 念道晝則焚香夜乃然燈不想外事志心奉
 行無有懈怠轉經念呪去離三業淨想身心
 功成先逐上界鑑知當令萬福歸身善芽增
 長乃有仙童玉女常在左右呪中大威力神
 王觀其素志密衛其身所求皆果

北帝殺鬼呪先叩齒三十六通呪曰
 二象迴領玄一之精七靈護命上詣三清
 三皇驅除赫奕羅兵三十萬人侍衛神營
 巨獸百丈吐威攝精揮劍逐邪滅落慮靈
 神伯所呪千妖滅形急急如律令

玉帝長生呪曰

九天有命上告玉清促召千真俱會帝庭
 太乙下觀雙皇易形鑑察萬邪理氣攝生
 若有不祥干試神明青帝之道勅整神兵
 七神東鉞天降右征揮劍前驅豁落火鈴
 告命甲騎武卒天丁上威六天下攝廣靈
 既攝百邪斬鬼滅形神戈電掃姦妖無生
 仙皇東節有命敢停拒節違令一一誅刑
 各敬各慎保茲皇寧九天告命萬神敬聽
 急急如律令

是時

太上道君及諸天無量聖衆聞說

北帝直言捍厄之法不勝欣悅成起作禮讚
 歎五靈妙術功德威攝之力我等今者獲大
 法門謹於末世救獲衆生男女勤修不退各

各受持歡喜奉行

太上元始天尊說北帝伏魔神呪妙經卷第四

11-11-11-11-11